

(3) Prilikom zasnivanja radnog odnosa za obavljanje poslova instruktivne nastave škola je dužna poštivati redosljed određen stavom (2) ovog člana.

(4) Izuzetno, ukoliko ne može zasnovati radni odnos sa licem iz stava (2) ovog člana, škola može radni odnos za obavljanje poslova instruktivne nastave zasnovati i sa licem koje se nalazi u statusu studenta–apsolventa ili studenta–imatrikulanta na studijskom programu čijim završetkom se, u skladu sa nastavnim planom i programom za nastavni predmet na kojem se instruktivna nastava planira realizovati, stiče odgovarajuće stručno zvanje i nivo obrazovanja.

(5) Instruktivna nastava ne predstavlja vid stručnog osposobljavanja i ne može predstavljati osnov za polaganje stručnog ispita za samostalan odgojno-obrazovni rad.

(6) Ukoliko posebnim propisom takav vid radnog angažovanja nije zabranjen ili za isti ne postoje smetnje ili ograničenja, pod uslovima i na način određen ovim uputstvom, instruktivnu nastavu mogu realizovati i lica koja se kod istog ili drugog pravnog lica, istovremeno, nalaze u statusu pripravnika ili lica na stručnom osposobljavanju bez zasnivanja radnog odnosa.

### Član 3.

#### (Zasnivanje radnog odnosa)

(1) Radni odnos na poslovima instruktivne nastave zasniva se bez konkursa, zaključivanjem ugovora o radu, u skladu sa zakonom i ovim uputstvom.

(2) Radni odnos iz stava (1) ovog člana zasniva se uz prethodnu saglasnost Ministarstva, pod sljedećim uslovima:

a) ukoliko se popunjavanje upražnjene radne pozicije nije moglo izvršiti putem konkursa (neuspješno provedena konkursna procedura) i

b) ukoliko se nakon neuspješno provedene konkursne procedure popunjavanje upražnjene radne pozicije nije moglo izvršiti angažovanjem stručnog lica bez konkursa u skladu sa zakonom.

(3) Izbor lica sa kojim će se zasnovati radni odnos iz stava (1) ovog člana vrši direktor škole.

(4) Mogućnost i potrebu angažovanja, odnosno nastavne predmete na kojim se može izvršiti radni angažman za obavljanje poslova instruktivne nastave u skladu sa ovim uputstvom, te srodnost stručnog zvanja iz člana 2. stav (2) ovog uputstva Ministarstvo cijeni u svakom konkretnom slučaju u postupku davanja saglasnosti iz stava (2) ovog člana.

(5) O postojanju srodnosti stručnog zvanja iz člana 2. stav (2) tačka a) ovog uputstva Ministarstvo može zatražiti mišljenje Pedagoškog zavoda Tuzlanskog kantona.

### Član 4.

#### (Zabrana realizacije instruktivne nastave na poslovima razredne nastave)

(1) Instruktivna nastava ne može se realizovati na poslovima razredne nastave.

(2) Zahtjev za davanje prethodne saglasnosti za realizovanje instruktivne nastave na poslovima razredne nastave Ministarstvo odbacuje bez njegovog daljeg razmatranja.

### Član 5.

#### (Period zasnivanja radnog odnosa za obavljanje poslova instruktivne nastave)

(1) Radni odnos za obavljanje poslova instruktivne nastave zasniva se na određeno vrijeme i može trajati najduže do kraja započetog polugodišta.

(2) Ukoliko se nakon zasnivanja radnog odnosa iz stava (1) ovog člana, u skladu sa zakonom, školi pruži mogućnost

za radno angažovanje stručnog lica na nastavnom predmetu za koji je zasnovan radni odnos za obavljanje poslova instruktivne nastave, ugovor o radu zaključen za obavljanje poslova instruktivne nastave prestaje prije isteka perioda na koji je zaključen.

(3) Ugovor o radu zaključen za obavljanje poslova instruktivne nastave obavezno sadrži ugovornu odredbu o prestanku ugovora o radu u slučaju nastanka okolnosti iz stava (2) ovog člana.

### Član 6.

#### (Sadržaj zahtjeva škole)

Pored obavezne naznake nastavnog predmeta za koji se traži radno angažovanje za obavljanje poslova instruktivne nastave, zahtjev škole za davanje prethodne saglasnosti obavezno sadrži i naznaku stepena stručne spreme/nivoa obrazovanja i stručnog zvanja lica koje se planira radno angažovati.

### Član 7.

#### (Prestanak važenja ranijih akata)

Početak primjene ovog uputstva prestaju da važe Kriteriji o angažovanju nestručnih lica na poslove instruktivne nastave za pripremanje učenika za polaganje razrednog ispita u osnovnoj školi (broj: 10/1-38-17001/05 od 10.10.2005. godine).

### Član 8.

#### (Započeti postupci)

Postupci davanja prethodne saglasnosti Ministarstva započeti prije stupanja na snagu ovog uputstva okončat će se u skladu sa ovim uputstvom.

### Član 9.

#### (Stupanje na snagu)

Ovo uputstvo stupa na snagu danom njegovog donošenja i bit će objavljeno u „Službenim novinama Tuzlanskog kantona“.

BOSNA I HERCEGOVINA

-Federacija Bosne i Hercegovine-

TUZLANSKI KANTON

Ministarstvo obrazovanja i nauke

MINISTRICA

Fahreta Brašnjić prof., v.r.

Broj: 10/1-02-18148/20

Tuzla, 16.09.2020. godine

954

Na osnovu člana 101. stav (8) Zakona o srednjem obrazovanju i odgoju – prečišćeni tekst („Službene novine Tuzlanskog kantona“, br. 10/20 i 11/20), ministar obrazovanja i nauke Tuzlanskog kantona donosi

## UPUTSTVO

### o zasnivanju radnog odnosa za obavljanje poslova instruktivne nastave u srednjim školama

#### Član 1.

##### (Predmet)

Ovim uputstvom uređuje se način zasnivanja radnog odnosa za obavljanje poslova instruktivne nastave u srednjim školama na području Tuzlanskog kantona (u daljem tekstu: škola).

#### Član 2.

##### (Instruktivna nastava)

(1) Instruktivnom nastavom, u smislu ovog uputstva, smatra se priprema učenika za polaganje razrednog ispita od strane lica koje ispunjava uslove predviđene ovim uputstvom.

(2) Radni odnos za obavljanje poslova instruktivne nastave na općeobrazovnim i stručno-teorijskim nastavnim predmetima škola može zasnovati sa licem koje:

a) shodno zakonu i nastavnom planu i programu posjeduje odgovarajući stepen stručne spreme/nivo obrazovanja i stručno zvanje koje je srodno u odnosu na stručno zvanje određeno nastavnim planom i programom za nastavni predmet na kojem se instruktivna nastava planira realizovati, te položenim stručnim ispitom za samostalan odgojno-obrazovni rad,

b) shodno zakonu i nastavnom planu i programu posjeduje stručno zvanje i odgovarajući stepen stručne spreme/nivo obrazovanja za nastavni predmet na kojem se instruktivna nastava planira realizovati, bez položenog stručnog ispita za samostalan odgojno-obrazovni rad, s tim da za stručno-teorijsku nastavu treba imati položenu pedagoško-psihološko-metodičko-didaktičku grupu predmeta.

(3) Radni odnos za obavljanje poslova praktične nastave škola može zasnovati sa licem koje:

a) shodno zakonu i nastavnom planu i programu posjeduje odgovarajući stepen stručne spreme/nivo obrazovanja za realizovanje programskih sadržaja praktične nastave i srodno stručno zvanje/zanimanje u odnosu na stručno zvanje/zanimanje određeno nastavnim planom i programom za praktičnu nastavu u okviru struke za koju se instruktivna nastava planira realizovati, zakonom propisano radno iskustvo u struci (zavisno od stepena stručne spreme/nivoa obrazovanja) i položenim stručnim ispitom za samostalan odgojno-obrazovni rad,

b) shodno zakonu i nastavnom planu i programu posjeduje odgovarajući stepen stručne spreme/nivo obrazovanja za realizovanje programskih sadržaja praktične nastave i stručno zvanje/zanimanje određeno nastavnim planom i programom za praktičnu nastavu u okviru struke za koju se instruktivna nastava planira realizovati, bez položenog stručnog ispita za samostalan odgojno-obrazovni rad, ali sa zakonom propisanim radnim iskustvom u struci (zavisno od stepena stručne spreme/nivoa obrazovanja) i položenom pedagoško-psihološko-metodičko-didaktičkom grupom predmeta.

(4) Prilikom zasnivanja radnog odnosa za obavljanje poslova instruktivne nastave škola je dužna poštivati redosljed u skladu sa stavovima (2) i (3) ovog člana.

(5) Izuzetno, ukoliko ne može zasnovati radni odnos sa licima iz stava (2) ovog člana, radni odnos za obavljanje poslova instruktivne nastave na općeobrazovnim nastavnim predmetima, škola može zasnovati i sa licem koje se nalazi u statusu studenta-apsolventa ili studenta-imatrikulanta na studijskom programu čijim završetkom se, u skladu sa nastavnim planom i programom za nastavni predmet na kojem se instruktivna nastava planira realizovati, stiču odgovarajuće stručno zvanje i nivo obrazovanja.

(6) Instruktivna nastava ne predstavlja vid stručnog osposobljavanja i ne može predstavljati osnov za polaganje stručnog ispita za samostalan odgojno-obrazovni rad.

(7) Ukoliko posebnim propisom takav vid radnog angažovanja nije zabranjen ili za isti ne postoje smetnje ili ograničenja, pod uslovima i na način određen ovim uputstvom, instruktivnu nastavu mogu realizovati i lica koja se kod istog ili drugog pravnog lica, istovremeno, nalaze u statusu pripravnika ili lica na stručnom osposobljavanju bez zasnivanja radnog odnosa.

### Član 3.

#### (Zasnivanje radnog odnosa)

(1) Radni odnos na poslovima instruktivne nastave zasniva se bez konkursa, zaključivanjem ugovora o radu, u skladu sa zakonom i ovim uputstvom.

(2) Radni odnos iz stava (1) ovog člana zasniva se uz prethodnu saglasnost Ministarstva, pod sljedećim uslovima:

a) ukoliko se popunjavanje upražnjene radne pozicije nije moglo izvršiti putem konkursa (neuspješno provedena konkursna procedura) i

b) ukoliko se nakon neuspješno provedene konkursne procedure popunjavanje upražnjene radne pozicije nije moglo izvršiti angažovanjem stručnog lica bez konkursa u skladu sa zakonom.

(3) Izbor lica sa kojim će se zasnovati radni odnos iz stava (1) ovog člana vrši direktor škole.

(4) Mogućnost i potrebu angažovanja, odnosno nastavne predmete na kojim se može izvršiti radni angažman za obavljanje poslova instruktivne nastave u skladu sa ovim uputstvom, te srodnost stručnog zvanja iz člana 2. stavovi (2) i (3) ovog uputstva Ministarstvo cijeni u svakom konkretnom slučaju u postupku davanja saglasnosti iz stava (2) ovog člana.

(5) O postojanju srodnosti stručnog zvanja iz člana 2. stav (2) tačka a) i stav (3) tačka a) ovog uputstva Ministarstvo može zatražiti mišljenje Pedagoškog zavoda Tuzlanskog kantona.

### Član 4.

#### (Period zasnivanja radnog odnosa za obavljanje poslova instruktivne nastave)

(1) Radni odnos za obavljanje poslova instruktivne nastave zasniva se na određeno vrijeme i može trajati najduže do kraja započetog polugodišta.

(2) Ukoliko se nakon zasnivanja radnog odnosa iz stava (1) ovog člana, u skladu sa zakonom, školi pruži mogućnost za radno angažovanje stručnog lica na nastavnom predmetu za koji je zasnovan radni odnos za obavljanje poslova instruktivne nastave, ugovor o radu zaključen za obavljanje poslova instruktivne nastave prestaje prije isteka perioda na koji je zaključen.

(3) Ugovor o radu zaključen za obavljanje poslova instruktivne nastave obavezno sadrži ugovornu odredbu o prestanku ugovora o radu nastupanjem okolnosti iz stava (2) ovog člana.

### Član 5.

#### (Sadržaj zahtjeva škole i obaveza dostavljanja dokumentacije)

Pored obavezne naznake nastavnog predmeta za koji se traži radno angažovanje za obavljanje poslova instruktivne nastave, zahtjev škole za davanje prethodne saglasnosti obavezno sadrži i naznaku stepena stručne spreme/nivoa obrazovanja i stručnog zvanja lica koje se planira radno angažovati.

### Član 6.

#### (Prestanak važenja ranijih akata)

Početak primjene ovog uputstva prestaju da važe Kriteriji o angažovanju nestručnih lica na poslove instruktivne nastave za pripremanje učenika za polaganje razrednog ispita u srednjoj školi (broj: 10/1-38-17006/05 od 10.10.2005. godine).

### Član 7.

#### (Započeti postupci)

Postupci davanja prethodne saglasnosti Ministarstva započeti prije stupanja na snagu ovog uputstva okončat će se u skladu sa ovim uputstvom.

### Član 8.

#### (Stupanje na snagu)

Ovo uputstvo stupa na snagu danom njegovog donošenja i bit će objavljeno u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON  
Ministarstvo obrazovanja i nauke

MINISTRICA  
Fahreta Brašnjić prof., v.r.

Broj: 10/1-02-18148-1/20  
Tuzla, 16.09.2020. godine

955

Na osnovu člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", broj: 10/18 – prečišćeni tekst), a u vezi sa članom 29. Zakona o izvršenju Budžeta Tuzlanskog kantona za 2020. godinu ("Službene novine Tuzlanskog kantona", br. 16/19 i 7/20), ministar poljoprivrede, šumarstva i vodoprivrede Tuzlanskog kantona donosi

## ODLUKU

### O IZMJENAMA I DOPUNAMA PROGRAMA UTROŠKA SREDSTAVA U SVRHU POTICANJA RAZVOJA BILJNE PROIZVODNJE U 2020. GODINI

#### I.

U Programu utroška sredstava u svrhu poticanja razvoja biljne proizvodnje u 2020. godini ("Službene novine Tuzlanskog kantona", broj: 6/20) poglavlje III. (RASPODJELA SREDSTAVA) se mijenja i glasi:

#### „ III. RASPODJELA SREDSTAVA

Sredstva planirana Programom u iznosu od 650.000,00 KM utrošit će se na sljedeći način:

1. Uspostavljanje sistema protugradne zaštite na području Tuzlanskog kantona u ukupnom iznosu do 300.000,00 KM,
2. Sufinansiranje nabavke plastenika u ukupnom iznosu do 91.200,00 KM,
3. Sufinansiranje nabavke visokih tunela u ukupnom iznosu do 258.800,00 KM."

#### II.

U poglavlju IV. (OPĆI KRITERIJI), tačka 3. se mijenja i glasi:

#### „3. Sufinansiranje nabavke visokih tunela

Pravo na korištenje sredstava za sufinansiranje nabavke visokih tunela imaju poljoprivredni proizvođači, fizička lica, (u daljem tekstu: aplikanti) koji imaju prebivalište, odnosno sjedište na području Tuzlanskog kantona i koji su upisani u Registar poljoprivrednih gazdinstava i Registar klijenata.

Programom se mogu odobriti sredstva za sufinansiranje nabavke visokih tunela površine 1000 m<sup>2</sup>.

Vrijednost investicije koja se sufinansira iznosi do 4.000,00 KM.

Za ostvarenje prava na korištenje sredstava za sufinansiranje nabavke visokih tunela, sadnica i ostalih materijala za zasad jagode površine 1000 m<sup>2</sup>, potrebno je da aplikanti dostave dokaz o obezbjeđenju vlastitih sredstava u iznosu od minimalno 20% od nabavne vrijednosti visokog tunela i dokaz o obezbjeđenju minimalno 40% sredstava od nabavne vrijednosti visokih tunela od drugih institucija i organizacija.

Programom se sufinansira preostalih 40% od nabavne vrijednosti visokog tunela, sadnica i ostalih materijala za zasad jagode."

#### III.

U poglavlju V. (NAČIN REALIZACIJE PROGRAMA), riječi „podizanja nasada krošnjastog i jagodičastog voća, odnosno kombinacije navedenih kultura" se zamjenjuju riječima „nabavke visokih tunela".

#### IV.

Ova odluka stupa na snagu danom dobijanja saglasnosti Vlade Tuzlanskog kantona i bit će objavljena u "Službenim novinama Tuzlanskog kantona".

Bosna i Hercegovina  
-Federacija Bosne i Hercegovine-  
Tuzlanski kanton  
Ministarstvo poljoprivrede,  
šumarstva i vodoprivrede

MINISTAR  
Mustafa Šakić, dipl.oec.,v.r.

Broj: 04/1-11-5812-1/20  
Tuzla, 29.07.2020. godine

956

Na osnovu člana 67. stav 3. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 7. stav 2. Zakona o novčanim podrškama u poljoprivredi i ruralnom razvoju Tuzlanskog kantona („Službene novine Tuzlanskog kantona“, br. 8/14, 2/16, 4/18 i 12/20), uz prethodno mišljenje Komisije za poljoprivredu, vodoprivredu i šumarstvo Skupštine Tuzlanskog kantona, broj: 02-02-504-2/20 od 20.08.2020. godine, ministar poljoprivrede, šumarstva i vodoprivrede donosi

## PRAVILNIK

### O OSTVARIVANJU NOVČANIH PODRŠKI PO MODELU PODRŠKE PROIZVODNJI

#### I. OPĆE ODREDBE

##### Član 1. (Predmet)

Pravilnikom o ostvarivanju novčanih podrški po modelu podrške proizvodnji (u daljem tekstu: Pravilnik) propisuju se uslovi koje mora ispunjavati podnosilac zahtjeva za ostvarivanje prava na novčane podrške, postupak za ostvarivanje novčanih podrški, potrebna dokumentacija koja se prilaže uz zahtjev za ostvarivanje novčanih podrški, način isplate novčanih podrški i obaveze koje korisnik novčanih podrški mora ispuniti nakon što budu isplaćena sredstva novčanih podrški i drugo.

#### II. MODEL PODRŠKE PROIZVODNJI

##### Član 2.

(Novčana podrška po modelu podrške proizvodnji)

(1) Novčana podrška po modelu podrške proizvodnji obuhvata: biljnu proizvodnju, animalnu proizvodnju i organsku proizvodnju.

(2) U okviru modela podrške proizvodnji pravna lica ostvaruju pravo na regresiranje kamata na kredite namijenjene za otkup poljoprivrednih proizvoda iz člana 3. ovog Pravilnika u cilju njihove dalje prodaje i za otkup poljoprivrednih proizvoda u cilju njihove prerade, pod uslovima da otkupe poljoprivredne proizvode proizvedene na teritoriji Tuzlanskog kantona (u daljem tekstu: Kanton).

(3) Pravo na novčanu podršku iz stavova (1) i (2) ovog člana ostvaruje se samo za one proizvodnje propisane Programom